



Reykjavík, 14. maí 2025
SFS25010095

TILLAGA

Viðtakandi: Skóla- og frístundaráð

Sendandi: Steinn Jóhannsson sviðsstjóri skóla- og frístundasviðs

Efni: Tillaga sviðsstjóra skóla- og frístundasviðs varðandi breytingar á reglum um leikskólaþjónustu

Sviðsstjóri skóla- og frístundasviðs leggur til eftirfarandi breytingar á reglum Reykjavíkurborgar um leikskólaþjónustu:

Núgildandi **1. mgr. í gr. 1. b** um opnunartíma, skipulagsdaga og sumarleyfi leikskóla er svohljóðandi:

Almennur opnunartími leikskóla er frá kl. 07:30 til 16:30. Opnunartími [skilgreindra leikskóla](#), einn til tveir í hverju hverfi er frá kl. 7:30 til 17:00. Dvalartími barna í báðum tilvikum getur verið mismunandi eftir dögum, frá fjórum til að hámarki níu klukkustundum daglega en þó að hámarki 42, 5 klukkustundir innan vikunnar frá mánudegi til föstudags.

Lagt er til að **1. mgr. í gr. 1.b** um opnunartíma, skipulagsdaga og sumarleyfi leikskóla verði svohljóðandi:

Almennur opnunartími leikskóla er frá kl. 07:30 til 16:30. Dvalartími barna getur verið verið mismunandi eftir dögum, frá fjórum til að hámarki níu klukkustundum daglega en þó að hámarki 42, 5 klukkustundir innan vikunnar frá mánudegi til föstudags.

Lagt er til að vegna **1. mgr. í gr. 1.b** verði fellt út neðanmáls að ákvæðið gildi frá 1. janúar 2025 til 31. ágúst 2025.

Lagt er til að núgildandi **2. mgr. í gr. 1. b** um opnunartíma, skipulagsdaga og sumarleyfi leikskóla sem er svohljóðandi verði fellt út:

Foreldrar sem telja að þeir falli undir skilgreindan hóp sem talið er að erfiðast eigi með að bregðast við lokun leikskóla kl. 16:30 geta sótt um að tekið verði tillit aðstæðna þeirra vegna umsóknar í leikskóla með opnunartíma til kl. 17:00. Þessi skilgreindi hópur er sá hópur foreldra sem hefur minnstan sveigjanleika í vinnu,



sá hópur þar sem eru miklar fjarlægðir milli leikskóla og vinnustaðar auk þeirra sem hafa tekjur undir meðaltekjum samkvæmt útreikningum Hagstofu. Ef umsókn er samþykkt er heimilt að taka tillit til aðstæðnanna að því gefnu að þeim börnum sem eru framar á biðlista bjóðist rými í öðrum þeim leikskóla sem foreldrar setja til vara.

Lagt er til að ákvæði til bráðabirgða sem eru svohljóðandi verði felld út:

Frá 7. september 2021 er hætt að gera dvalarsamninga eða samþykkja breytingar á dvalarsamningum í þá veru að dvalartími fari fram yfir kl. 16:30 nema í þeim leikskólum sem verða skilgreindir sem leikskólar með opnunartíma til kl. 17:00.

Óskað verður eftir að foreldrar með dvalarsamning fram yfir kl. 16.30 tilkynni fyrir 15. október 2021 hvort þeir óski eftir að halda dvalartímanum eftir 1. janúar 2022. Hefðbundinn umsóknar og uppsagnarfrestur gildir þó.

Fyrir 31. október 2021 verður auglýst hvaða leikskólar verða opnir til kl. 17:00 og foreldrum sem þess óska gert kleift að sækja um flutning í þá skóla. Á tímabilinu 1. nóvember 2021 til 1. júní 2022 verður unnið með flutningsumsóknir foreldra, sem nú þegar eru með dvalarsamning fram yfir kl. 16.30, í þá leikskóla sem verða opnir til kl.17, áður en unnið verður úr öðrum umsóknum í þá leikskóla og flutningur veittur eftir því sem pláss leyfa.

Niðurstöður jafnréttismats frá júní 2020 vegna tillögu um breyttan opnunartíma leiddi í ljós að sá hópur foreldra sem helst muni eiga erfiðast með að bregðast við styttri opnunartíma sé fólk sem hefur minnstan sveigjanleika í vinnu, sá hópur þar sem eru miklar fjarlægðir milli leikskóla og vinnustaðar auk þeirra sem hafa tekjur undir meðaltekjum samkvæmt útreikningum Hagstofu.

Foreldrar með dvalarsamning fram yfir 16:30 sem telja að þeir falli undir framangreindan hóp geta óskað eftir forgangi vegna flutnings í leikskóla með opnunartíma til kl. 17:00. Sá forgangur gengur þó ekki framar forgangi samkvæmt 4. og 5. gr. reglna um leikskólaþjónustu.

Breytingin tekur gildi þann 1. september 2025.

Greinargerð

Þann 24. ágúst 2021 var lögð fram í skóla- og frístundaráði skýrsla stýrihóps um umbætur á skipulagi og umhverfi leikskólastarfs Reykjavíkurborgar, dagsett í maí 2021. Skýrslan var svo lögð fram í borgarráði þann 2. september 2021 og í borgarstjórn þann 7. september 2021.



Í skýrslunni setti stýrihópurinn fram tillögu um breytingu á opnunartíma leikskóla.

Eftirfarandi tillaga var samþykkt í borgarstjórn 7. september:

- a) Tillaga stýrihóps um umbætur og skipulag leikskólastarfs varðandi opnunartíma verði samþykkt og taki gildi 1. janúar 2022.
- b) Opnunartími leikskóla borgarinnar verði 7:30 til 16:30 hjá öllum leikskólum frá 1. nóvember 2021.
- c) Opnunartími skilgreindra leikskóla, einn til tveir í hverju hverfi, verði frá 7:30 til 17:00 frá 1. janúar 2022 að því gefnu að aðstæður leyfi að teknu tilliti til heimsfaraldursins.
- d) Foreldrar með dvalarsamning fram yfir kl. 16.30 geta í september 2021 tilkynnt hvort þeir óski eftir að halda dvalartímanum eftir 1. janúar 2022. Nú þegar verði hætt að gera dvalarsamninga eða samþykkja breytingar á dvalarsamningum í þá veru að dvalartími fari fram yfir kl. 16:30 nema í þeim leikskólum sem verða skilgreindir sem leikskólar með opnunartíma til kl. 17:00.
- e) Unnið verður með flutningsumsóknir foreldra, sem óska eftir að halda dvalartímanum, inn í þá leikskóla sem verða opnir til kl. 17, áður en unnið verður úr öðrum umsóknum inn í þá leikskóla og flutningur veittur eftir því sem pláss leyfa.
- f) Komi til þess að eftirspurn eftir leikskóla með dvalartíma til kl. 17:00 verði umfram laus pláss fái þeir hópar foreldra forgang sem samkvæmt jafnréttismati frá júní 2020 má áætla að myndu eiga erfiðast með að bregðast við styttri opnunartíma.
- g) Lagt er til að um verði að ræða tveggja ára tilraunaverkefni, frá 1. janúar 2022 til 31. desember 2024, og verði árangur og reynsla af starfinu metinn á áföngum á tímabilinu. Mælikvarðar og markmið skulu skilgreind nánar í upphafi verkefnis og mat á árangri taki tillit til barna, starfsmanna, stjórnenda, foreldra, þróunar á dvalartíma barna og lykiltölum í rekstri. Þeir leikskólar sem verða opnir til 17:00 fái fjárheimildir til að tryggja fullnægjandi mönnun á lengri opnunartíma skólans.

Í kjölfarið voru gerðar breytingar á reglum um leikskólaþjónustu til samræmis við ofangreint. Samþykkt var að framlengja gildistíma verkefnisins á fundi skóla- og frístundaráðs þann 27. janúar 2025 í skóla- og frístundaráði og í borgarráði þann 30. janúar 2025.

Tilraunaverkefnið fór svo af stað í byrjun árs 2022 og leikskólarnir Bakkaborg, Hagaborg, Heiðarborg, Klettaborg, Langholt og Ævintýraborg við Nauthólsveg voru opnir til kl. 17.00 en öðrum leikskólum lokað frá kl. 16.30.



Í upphafi verkefnisins nýttu foreldrar 7 barna sér tímann á milli kl. 16.30 en þróun á skráningu barna með dvalartíma fram yfir kl. 16.30 hefur verið eftirfarandi frá þeim tíma og til dagsins í dag:

	16:45	17:00	Samtals
Feb-22	2	5	7
May-22	4	4	8
Nov-22	5	5	10
Feb-23	5	3	8
May-23	4	3	7
Nov-23	6	2	8
Feb-24	6	2	8
May-24	3	0	3
Nov-24	2	3	5
Feb-25	2	2	4
Ap-25	1	0	1

Nú í maí 2025 er staðan sú að foreldrar eins barns í leikskólum borgarinnar nýtir úrræðið og er með dvalarsamning til kl. 16.45.

Kostnaður vegna opnunar til kl. 17.00 er nú um 325.00 kr. á ári. Í fjárhagsáætlun skóla- og frístundasviðs vegna 2025 var gert ráð fyrir að hætt yrði að hafa fimm leikskóla opna lengur en til 16:30.

Áhrif á sjálfstætt starfandi leikskóla

Í samningum skóla- og frístundasviðs við sjálfstætt starfandi leikskóla í Reykjavík kemur eftirfarandi fram í gr. 4.2:

Samningurinn tekur til leikskólareksturs frá kl. 07:30 til 16:30, en greitt er framlag til leikskólans vegna 42,5 stunda dvalartíma að hámarki á viku sem er til samræmis við fjölda dvalarstunda í leikskólum Reykjavíkurborgar, sjá jafnframt gr. 22.5 í samningi þessum.

Leikskólanum er heimilt að hafa lengri þjónustutíma ef það samrýmist ákvæðum laga og stjórnvaldsfyrirmæla, meðal annars um leikskólastarfsemi og vernd barna og ungmenna, að því tilskyldu að hann beri tilfallandi kostnað af því.

Breytingin hefur ekki áhrif á rekstur sjálfstætt starfandi leikskóla.



Opnunartími leikskóla í öðrum sveitarfélögum

Nágrannasveitafélög hafa öll stigið það skref að loka leikskólum klukkan 16.30 og sum þeirra klukkan 16 á föstudögum:

Kópavogur

Leikskólar Kópavogs eru opnir frá kl. 7:30 til 16:30. Dvalartími barna getur verið breytilegur milli daga. Leikskólinn er gjaldfrjálss ef dvalarstundir eru 30 klukkustundir í viku eða færri.

Garðabær

Leikskólar eru opnir mánudaga til fimmtudaga frá 7:30-16:30 og föstudaga 7:30-16:00. Vistunartími barns er sveigjanlegur frá 20-40 stundum á viku.

Hafnarfjörður

Leikskólar bæjarins eru opnir frá kl. 7.30 til kl. 16.30 utan einn sem er opin til kl. 17.00 samkvæmt upplýsingum á heimasíðu 31.3.2025

Mosfellsbær

Leikskólar bæjarins eru allir opnir frá kl. 7.30 – 16.30 og á föstudögum er skráning barna eftir klukkan 14.00.

Seltjarnarnes

Leikskólar eru opnir alla virka daga frá kl. 7:45 - 16:30. Boðið er upp á sveigjanlegan dvalartíma 4 - 8,5 klst. Hámarksdvöl er 8,5 klst. á dag.

Suðurnesjabær

Leikskólar eru opnir frá kl. 07:45-16.15 og á föstudögum geta foreldrar valið að nýta sér dvalartíma eftir kl. 14:00 til kl. 16:00, gegn vægu gjaldi.



Reykjavík